

MISSÆ PROPRIÆ
PRO
ARCHIDIŒCESIS
WESTMONASTERIENSIS

KALENDARIIUM

FEBRUARI

3 S. LAURENTII EP. ET CONF. **III classis**
25 vel 26 S. ÆTHELBERTI REGIS, CONF. **III classis**

MARTII

1 S. DAVID EP. ET CONF. **III classis**
12 S. GREGORII PAPÆ, CONF. ET DOCT. **II classis**

APRILIS

3 S. RICARDI EP. ET CONF. **III classis**
17 S. STEPHANI ABBATIS. **III classis**
19 S. ÆLPHEGI EP. ET MART. **III classis**
23 S. GEORGII MART. **I classis**
24 S. MELLITI EP. ET CONF. **III classis**

MAJI

4 BEATORUM MART. ANG. ET CAMB. **III classis**
12 BB. MART. CARTHUSIANORUM. **III classis**
13 S. ERCONWALDI EP. ET CONF. **III classis**
14 S. RICARDI REYNOLDS MART. **III classis**
19 S. DUNSTANI EP. ET CONF. **III classis**
26 S. AUGUSTINI EP. ET CONF. **II classis**
28 B. MARGARITÆ POLE MART. NON VIRG. **III classis**
30 S. ELEUTHERII PAPÆ ET MART. **III classis**

JUNII

9 IN TRANS. S. EDMUNDI EP. ET CONF. **III classis**
22 S. ALBANI MART. **III classis**
27 S. ETHELDREDÆ VIRG. **III classis**
28 IN DEDICATIONE ECCL. CATHEDRALIS. **I classis**

JULII

9 SS. JOANNIS FISHER EP. ET THOMÆ MORE
MART. **I classis**

AUGUSTI

- 8 S. OSWALDI REGIS, MART. **III classis**
11 S. GERMANI EP. ET CONF. **III classis**

SEPTEMBRIS

- 19 S. THEODORI EP. ET CONF. **III classis**

OCTOBRIS

- 13 S. EDUARDI REGIS, CONF. **II classis**
22 S. THOMÆ HEREFORD. EP. ET CONF. **III classis**
29 BB. MARTYRUM COLLEGII DUACENSIS **III classis**

NOVEMBRIS

- 5 SACRARUM RELIQUIARUM. **III classis**
16 S. EDMUNDI EP. ET CONF. **III classis**
17 S. HUGONIS EP. ET CONF. **III classis**
20 S. EDMUNDI REGIS, MART. **III classis**
29 S. CUTHBERTI MAINE MART. **III classis**

DECEMBRIS

- 1 BB. RICARDI WHITING, HUGONIS FARINGDON
AC JOANNIS BECHE ABBATUM CUM SOCIIS
EORUM MM. **III classis**
4 S. OSMUNDI EP. ET CONF. **III classis**
29 S. THOMÆ CANTUARIENSIS EP. ET M. **I classis**

Die 29 Novembris
S. CUTHBERTI MAINE MARTYRIS

III classis

Antiphona ad Introitum

Ps. 20, 2-3

In virtúte tua, Dómine, lætábitur justus: et super salutáre tuum exsultábit veheménter: desidérium ánimæ ejus tribuísti ei. **Ps. *ibid.*, 4** Quóniam prævenísti eum in benedictiónibus dulcédinis: posuísti in cápite ejus corónam de lápide pretióso. **V.** Glória Patri.

Oratio

Deus, qui beáto Cuthbéto ante céteros Seminariórum alúmno cruciátuum iter pro salúte animárum cúrrere dedísti: concéde nobis propítius; ut, eódem animárum zelo accénsi, vitam nostram pro áliis impénderé non dubitémus. Per Dóminum.

Et, in Adventu, fit commemoratio feriæ.

Deinde commemoratio S. Saturnini Mart.:

Oratio

Deus, qui nos beáti Saturníni Mártyris tui concédís natalítio pérfrui: ejus nos tríbue méritis adjuvári. Per Dóminum.

Léctio Epístolæ beáti Jacóbi Apóstoli

Jac. 1, 2-12

Caríssimi: Omne gáudium existimáte, cum in tentatiónes várias incidéritis: sciéntes quod probátio fidei vestræ patiéntiam operátur. Patiéntia autem opus perféctum habet: ut sitis perfécti et íntegri, in nullo deficiéntes. Si quis autem vestrum índiget sapiéntia, póstulet a Deo, qui dat ómnibus affluénter, et non impróperat: et dábitur ei. Póstulet autem in fide nihil hásitans: qui enim hásitat, símilis est flúctui maris, qui a vento movétur et circumfértur. Non ergo ástimet homo ille quod accípiat áliquid a Dómino. Vir duplex ánimo incónstans est in ómnibus viis suis. Gloriétur autem frater húmilis in exaltatióne sua: dives autem in humilitáte sua, quóniam sicut flos fæni transíbit: exórtus est enim sol cum ardóre, et arefécit fænum, et flos ejus décidit, et decor vultus ejus depéruit: ita et dives in itinéribus suis marcéscet. Beátus vir qui suffert tentatióne: quóniam, cum probátus fúerit, accípiet corónam vitæ, quam repromísit Deus diligéntibus se.

Graduale

Ps. 111, 1-2

Beátus vir qui timet Dóminum: in mandátis ejus cupit nimis. V. Potens in terra erit semen ejus: generátio rectórum benedicétur.

Allelúja, allelúja. V. Ps. 20, 4 Posuísti, Dómine, super caput ejus corónam de lápide pretióso. Allelúja.

+ Sequéntia sancti Evángelii secúndum Mattæum

Matth. 10, 34-42

In illo témpore: Dixit Jesus discíplis suis: Nolíte arbitrári quia pacem vénerim mittere in terram: non veni pacem mittere, sed gládium. Veni enim separáre hóminem advérsus patrem suum, et fíliam advérsus matrem suam, et nurum advérsus socrum suam: et inimíci hóminis, doméstici ejus. Qui amat patrem aut matrem plus quam me, non est me dignus: et qui amat fílium aut fíliam super me, non est me dignus. Et qui non áccipit crucem suam et séquitur me, non est me dignus. Qui invénit ánimam suam, perdet illam: et qui perdíderit ánimam suam propter me, invéniet eam. Qui récipit vos, me récipit: et qui me récipit, récipit eum qui me misit. Qui récipit prophétam in nómine prophétæ, mercédem prophétæ accípiet: et qui récipit justum in nómine justí, mercédem justí accípiet. Et quicúmque potum déderit uni ex mínimis istis cálicem aquæ frígidae tantum in nómine discípluli: amen dico vobis, non perdet mercédem suam.

Antiphona ad Offertorium

Ps. 8, 6-7

Glória et honóre coronásti eum: et constituísti eum super ópera mánuum tuárum, Dómine.

Secreta

Munéribus nostris, quásumus, Dómine, precibúsq;e susceptis: et cæléstibus nos munda mystériis, et cleménte exáudi. Per Dóminum.

Et, in Adventu, fit commemoratio feriæ.

Pro S. Saturnino

Secreta

Múnera, Dómine, tibi dicáta sanctífica: et, intercedénte beáto Saturníno Mártire tuo, per hæc éadem nos placátus inténde. Per Dóminum.

Antiphona ad Communionem

Matth. 16, 24

Qui vult veníre post me, ábneget semetípsum, et tollat crucem suam, et sequátur me.

Postcommunio

Da, quæsumus, Dómine Deus noster: ut, sicut tuórum commemoratióne sanctórum temporáli gratulámur officio, ita perpétuo lætémur aspéctu. Per Dóminum.

Et, in Adventu, fit commemoratio feriæ.

Pro S. Saturnino

Postcommunio

Sanctíficet nos, quæsumus, Dómine, tui percéptio sacraménti: et intercessióne Sanctórum tuórum tibi reddat acceptos. Per Dóminum.

Die 1 Decembris

**BB. RICARDI WHITING, HUGONIS FARINGDON AC JOANNIS BECHE
ABBATUM CUM SOCIIS EORUM MM.**

III classis

Antiphona ad Introitum

Ps. 79, 9, 11

Víneam de Ægýpto transtulísti: eiecísti Gentes, et plantásti eam. Opéruit montes umbra ejus: et arbústa ejus cedros Dei. **Ps. ibid., 2** Qui regis Israël, inténde: qui dedúcis velut ovem Joseph. **V.** Glória Patri.

Oratio

Præsta, quæsumus, omnípotens Deus: ut, qui gloriósos Abbátes eorúmque Sócios pro unitáte Ecclésiæ tuæ Mártyres fortes in sua confessióne cognóvimus; pios apud te in nostra intercessióne sentiámus. Per Dóminum.

Et, in Adventu, fit commemoratio feriæ.

Léctio Jeremíæ Prophétæ

Thren. 5, 1-7

Recordáre, Dómine, quid accíderit nobis: intuére, et réspice oppróbrium nostrum. Heréditas nostra versa est ad aliénos: domus nostræ ad extráneos. Pupílli facti sumus absque patre, matres nostræ quasi víduæ. Aquam nostram pecúnia bíbimus: ligna nostra prétió comparávimus. Cervícibus nostris minabámur, lassis non dabátur réquies. Ægýpto dédimus manum et Assýriis ut saturarémur pane. Patres nostri peccavérunt, et non sunt; et nos iniquitátes eórum portávimus.

Graduale

Isai. 51, 3

Consolábitur ergo Dóminus Sion, et consolábitur omnes ruínas ejus; et ponet desértum ejus quasi delicias, et solitúdinem ejus quasi hortum Dómini. **V.** Gáudium et lætítia inveníetur in ea, gratiárum áctio et vox laudis. Allelúja, allelúja. **V.** Te Mártyrum candidátus laudat exércitus, Dómine. Allelúja.

+ Sequéntia sancti Evangéllii secúndum Mattháeum

Matth. 16, 15-18

In illo témpore: Dixit Jesus discípulis suis: Vos autem quem me esse dicitis? Respóndens Simon Petrus, dixit: Tu es Christus Fílius Dei vivi. Respóndens autem Jesus dixit ei: Beátus es, Simon Bar Jona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiám meam, et portæ ínferi non prævalébunt advérsus eam.

Antiphona ad Offertorium

Isai. 51, 1, 2

Atténdite ad petram unde excísi estis. Atténdite ad Abraham patrem vestrum: quia unum vocávi eum, et benedíxi ei, et multiplicávi eum.

Secreta

Beatórum Abbátum ac Mártyrum tuórum, quæsumus, Dómine, Ricárdi, Hugónis, Joánnis et Sociórum sit tibi grata conféssio: quæ et múnera nostra comméndet, et tuam nobis indulgéntiam semper implóret. Per Dóminum.

Et, in Adventu, fit commemoratio feriae.

Antiphona ad Communionem

Ps. 79, 15-16

Réspice de cælo, et vide, et vísita víneam istam; et pérfice eam, quam plantávit dextera tua.

Postcommunio

Quæsumus, Dómine, ut beatórum Mártyrum tuórum Ricárdi, Hugónis, Joánnis, eorúmque Sociórum deprecatióibus: sacraménta sancta, quæ sumpsimus; nobis ad mundi despéctum et ad fidei firmitátem proficiant. Per Dóminum.

Et, in Adventu, fit commemoratio feriae.

Die 4 Decembris
S. OSMUNDI EP. ET CONF.

III classis

Missa Státuit, de Comm. Conf. Pont. 1 loco, præter Orationes sequentes:

Oratio

Omnípotens sempitérne Deus, qui nos beáti Osmúndi Confessóris tui atque Pontíficis hodiérna festivitáte lætíficas: tuam súpplíces exorámus cleméntiam;

ut, cujus solémnia devótis officiis venerámur, ejus piis suffrágiis ætérnæ vitæ glóriam consequámur. Per Dóminum.

Et fit commemoratio feriæ.

Deinde commemoratio S. Petri Chrysologi Ep., Conf. et Eccl. Doct.:

Oratio

Deus, qui beátum Petrum Chrysólogum Doctórem egrégium, divínitus præmonstrátum, ad regéndam et instruéndam Ecclésiám tuam éligi voluísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Secreta

Múnera nostra, quæsumus, Dómine, méritis et intercessiúnibus munífici Confessóris tui Osmúndi sanctífica: ut in Fílii tui Dómini nostri Jesu Christi corpus et sánguinem convertántur; et ad nostrárum profíciant salútem animárum. Per eúndem Dóminum.

Et fit commemoratio feriæ.

Pro S. Petro Chrysologo

Secreta

Sancti Petri Chrysólogi Pontíficis tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Postcommunio

Sumptis, Dómine, munéribus sacris, te súplices deprecámur: ut eórum virtúte roboráti, beáti Osmúndi Confessóris tui atque Pontíficis imitémur exémpa; et ad gáudia perveniámus ætérna. Per Dóminum.

Et fit commemoratio feriæ.

Pro S. Petro Chrysologo

Postcommunio

Ut nobis, Dómine, tua sacrificia dent salútem: beátus Petrus Chrysólogus Póntifex tuus et Doctor egrégius, quæsumus, precátor accédát. Per Dóminum.

Die 29 Decembris
S. THOMÆ CANTUARIENSIS EP. ET M.

I classis

Omnia ut in Missali hac die.

Die 3 Februarii
S. LAURENTII EP. ET CONF.

III classis

Missa Sacerdotes tui, **de Comm. Conf. Pont. 2 loco.**

Oratio

Exáudi, quásumus, Dómine, preces nostras, quas in beáti Lauréntii Confessóris tui atque Pontíficis sollemnitáte deférimus: et, qui tibi digne méruit famulári, ejus intercedéntibus méritis, ab ómnibus nos absolve peccátis. Per Dóminum.

Et fit commemoratio S. Blasii Ep. et Mart.:

Oratio

Deus, qui nos beáti Blásii Mártiris tui atque Pontíficis ánnua sollemnitáte lætíficas: concéde propítius; ut, cujus natalítia cólimus, de ejúsdem étiam protectióne gaudeámus. Per Dóminum.

Secreta

Sancti Lauréntii Confessóris tui atque Pontíficis, quásumus, Dómine, ánnua sollémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum.

Pro S. Blasio

Secreta

Múnera tibi, Dómine, dicáta sanctífica: et, intercedénte beáto Blásio Mártire tuo atque Pontífice, per éadem nos placátus inténde. Per Dóminum.

Postcommunio

Deus, fidélium remunerátor animárum: præsta; ut beáti Lauréntii Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

Pro S. Blasio

Postcommunio

Hæc nos commúnio, Dómine, purget a crímine: et, intercedénte beáto Blásio Mártire tuo atque Pontífice, cæléstis remédii fáciat esse consórtes. Per Dóminum.

Die 25 vel 26 Februarii
S. ÆTHELBERTI REGIS, CONFESSORIS

III classis

Missa Os justi, **de Comm. Conf. non Pont. 1 loco.**

Oratio

Deus, qui beátum regem Æthelbértum Confessórem tuum æternitátis glória coronásti: fac nos, quásumus; ita eum venerári in terris, ut cum eo regnáre possímus in cælis. Per Dóminum.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus, et futúris. Per Dóminum.

Postcommunio

Refécti cibo potúque cælesti, Deus noster, te súplices exorámus: ut, in cujus hæc commemoratióne percépimus, ejus muniámur et précibus. Per Dóminum.

Die 1 Martii

S. DAVID EP. ET CONF.

Patron. Princ. Cambriæ

III classis

Missa Státuit, de Comm. Conf. Pont. 1 loco, præter Orationem sequentem:

Oratio

Concéde nobis, omnípotens Deus: ut beáti David Confessóris tui atque Pontíficis pia intercésio nos prótegat; et, dum ejus sollémnia celebrámus, in cathólica tuénda fide firmitátem imitémur. Per Dóminum.

Secreta

Sancti tui, quásumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

Postcommunio

Præsta, quásumus, omnípotens Deus: ut, de percéptis munéribus grátias exhibéntes, intercedénte beáto David Confessóre tuo atque Pontífice, beneficia potióra sumámus. Per Dóminum.

Die 12 Martii

S. GREGORII PAPÆ, CONFESSORIS ET ECCLESIÆ DOCTORIS

Anglorum Apostoli

II classis

Missa ut in Missali hac die.

Præfatio de Quadragesima.

Die 3 Aprilis
S. RICARDI Ep. et Conf.

III classis

Missa Státuit, de Comm. Conf. Pont.1 loco, præter Orationes sequentes:

Oratio

Deus, qui Ecclésiã tuã méritis beãti Ricãrdi, Confessóris tui atque Pontíficis, fecisti miráculis coruscãre gloriósis: concéde nos fãmulos tuos; ipsíus intercessióne, ad ætérnam beatitúdinis glóriã perveníre. Per Dóminum.

Secreta

Concéde, quãsumus, miséricors Deus: ut intercedénte beãto Ricãrdo Confessóre tuo atque Pontífice, óculis tuã majestãtis munus oblãtum et grãtiam nobis bene vivéndi obtíneat, et glóriã sempitérnam acquírat. Per Dóminum.

Postcommunio

Hęc sacrosãncta sumpta mystéria nobis efféctum, Dómine, cónferant salutãrem: quorum beãtus Ricãrdus, Conféssor tuus atque Póntifex, devótus éxstitit dispensãtor. Per Dóminum.

Die 17 Aprilis
S. STEPHANI ABBATIS

III classis

Missa Os justi, de Comm. Abb., præter Orationem sequentem:

Oratio

Deus, cujus múnere beãtus Stéphanus Abbas, ut perféctus esset, ómnia relíquit: da cunctis evangélicæ perfectiõnis sémitã ingressis; ut nec retro respícient, nec in via háreant, sed ad te sine offensiõne currétes vitam ætérnam, ad quam vocãti sunt, apprehéndant. Per Dóminum.

Et fit commemoratio S. Aniceti Papæ et Martýris.:

Oratio

Gregem tuum, Pastor ætérne, placãtus inténde: et per beãtum Anicétum, Mártýrem tuum atque Summum Pontíficem, perpétua protectióne custódi; quem totiús Ecclésiãe præstitisti esse pastórem. Per Dóminum.

Secreta

Sacris altãribus, Dómine, hóstias superpósitas sanctus Benedictus Abbas, quãsumus, in salutem nobis proveníre depóscat. Per Dóminum.

Pro S. Aniceti

Secreta

Oblátis munéribus, quásumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

Prótegat nos, Dómine, cum tui perceptióne sacraménti beátus Benedíctus Abbas pro nobis intercedéndo: ut et conversatiónis ejus experiámur insígnia, et intercessiόνis percipiámus suffrágia. Per Dóminum.

Pro S. Aniceti

Postcommunio

Refectióne sancta enutrítam gubérna, quásumus, Dómine, tuam placátus Ecclésiám: ut poténti moderatióne dirécta, et increménta libertátis accípiat et in religiónis integritáte persístat. Per Dóminum.

Die 19 Aprilis

S. ÆLPHEGI EPISCOPI ET MARTYRIS

III classis

Antiphona ad Introitum

Ps. 63, 3

Protexísti me, Deus, a convéntu malignántium, allelúja: a multítudine operántium iniquitátem, allelúja, allelúja. Ps. *ibid.*, 2 Exáudi, Deus, oratióne meam cum déprecor: a timóre inimíci éripe ánimam meam. V. Glória Patri.

Oratio

Deus, qui beátum Ælphégum devotíssimum tui nóminis Confessórem sacerdotáli dignitáte et martýrii palma decorásti: concéde propítius; ita nos apud te ejus intercessiόνibus adjuvári, ut cum eo possímus in æténa felicitáte lætári. Per Dóminum.

Léctio Epístolæ beáti Pauli Apóstoli ad Hebræos

Hebr. 5, 1-4

Fratres: Omnis pónitífex ex homínibus assúptus, pro homínibus constitúitur in iis, quæ sunt ad Deum: ut ófferat dona, et sacrificia pro peccátis: qui condolére possit iis, qui ignórant et errant: quóniam et ipse circúmdatus est infirmitáte: et proptérea debet, quemádmódum pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur a Deo, tamquam Aaron.

Allelúja, allelúja V. Ps. 88, 6 Confitebúntur cæli mirabília tua, Dómine: étenim veritátem tuam in ecclésia sanctórum. Allelúja. V. Ps. 20, 4 Posuísti, Dómine, super caput ejus corónam de lápide pretióso. Allelúja.

+ Sequéntia sancti Evangélii secúndum Joánnem

Joann. 15, 1-7

In illo témpore: Dixit Jesus discíplis suis: Ego sum vitis vera: et Pater meus agrícola est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me: et ego in vobis. Sicut palmes non potest ferre fructum a semetípso, nisi mánsarit in vite: sic nec vos, nisi in me manséritis. Ego sum vitis, vos pálmites: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánsarit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánsarint: quodcúmque voluérítis, petétis, et fiet vobis.

Antiphona ad Offertorium

Ps. 88, 6

Confitebúntur cæli mirabília tua, Dómine: et veritátem tuam in ecclésia sanctórum, allelúja, allelúja.

Secreta

Hóstias tibi, Dómine, beáti Ælphégi Mátyris tui atque Pontíficis dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Antiphona ad Communionem

Ps. 63, 11

Lætábitur justus in Dómino, et sperábit in eo: et laudabúntur omnes recti corde, allelúja, allelúja.

Postcommunio

Refécti participatióne múneris sacri, quásumus, Dómine Deus noster: ut, cujus exséquimur cultum, intercedénte beáto Ælphégo Mátyre tuo atque Pontífice, sentiámus efféctum. Per Dóminum.

Die 23 Aprilis

S. GEORGII MARTYRIS

Patroni Princ. Angliæ

I classis

Missa ut in Missali eadem die, et in Anglia dicitur Credo.

Die 24 Aprilis
S. MELLITI EPISCOPI ET CONFESSORIS

III classis

Missa Státuit, de Comm. Conf. Pont. 1 loco, præter Orationes omnes e Missa Sacerdótes tui, de Comm. 2 loco.

Oratio

Exáudi, quæsumus, Dómine, preces nostras, quas in beáti Mellíti Confessóris tui atque Pontíficis sollemnitate deférimus: et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

Secreta

Sancti Mellíti Confessóris tui atque Pontíficis, quæsumus, Dómine, ánnua sollémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum.

Postcommunio

Deus, fidélium remunerátor animárum: præsta; ut beáti Mellíti Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

Die 4 Maji
BEATORUM MARTYRUM ANGLIÆ ET CAMBRIÆ

III classis

Antiphona ad Introitum

Ps. 78, 1

Deus, venérunt gentes in hereditátem tuam, polluérun't templum sanctum tuum: posuérun't Jerúsalem in pomórum custódiám, allelúja, allelúja. Ps. *ibid.*, 2
Posuérun't morticina servórum tuórum escas volatílibus cæli: carnes sanctórum tuórum béstiis terræ. V. Glória Patri.

Oratio

Deus, qui beátos Mártýres tuos Joánnem Pontíficem, Thomam, eorúmque sócios veræ fidei summíque sacerdotii propugnatóres inter Anglos omni ex órdine suscitásti: eórum méritis ac précibus concéde; ut ejúsdem fidei professione unum omnes, sicut tuus rogávit Fílius, efficiámur et simus: Qui tecum vivit.

Et fit commemoratio S. Monicæ Vid.:

Oratio

Deus, mæréntium consolátor et in te sperántium salus, qui beátæ Mónica piás lácrimas in conversióne filii sui Augustíni misericórditer suscepísti: da nobis

utriusque intervéntu; peccáta nostra deploráre, et grátiae tuæ indulgéntiam inveníre.

Deinde pro Anglia

Oratio

Deus, qui nos ab Ecclésiæ nostræ nascéntis exórdio beátæ Maríæ Vírginis dotem, ac Petro Apostolorum Príncipi súbditos effecísti: concéde propítius; ut in cathólicæ fidei firmitáte constánter eámdem beatíssimam Vírginem diligere, atque in Petri obediéntia permanére valeámus. Per Dóminum.

Léctio Epístolæ beáti Pauli Apóstoli ad Hebráeos

Hebr. 12, 1-10

Fratres: Tantam habéntes impósitam nubem téstium, deponéntes omne pondus, et circúmstans nos peccátum, per patiéntiam currámus ad propósitum nobis certámen: aspiciéntes in auctórem fidei et consummatórem Jesum, qui proposito sibi gáudio sustínuit crucem, confusióne contémpta, atque in délixtera sedis Dei sedet. Recogitáte enim eum qui talem sustínuit a peccatóribus advérsus semetípsum contradicióne: ut ne fatigémini, ánimis vestris deficiéntes. Nondum enim usque ad sánguinem restitístis, advérsus peccátum repugnántes: et oblíti estis consolatiónis, quæ vobis tamquam filiis lóquitur, dicens: Fili mi, noli negligere disciplínam Dómini, neque fatigéris dum ab eo argúeris. Quem enim díligit Dóminus, castígat: flagéllat autem omnem filium quem récipit. In disciplína perseveráte. Tamquam filiis vobis offert se Deus: quis enim filius quem non córripit pater? Quod si extra disciplínam estis, cujus partícipes facti sunt omnes: ergo adúlteri et non filii estis. Deínde patres quidem carnis nostræ eruditóres habúimus, et reverebámur eos: non multo magis obtemperábimus Patri spirítuum, et vivémus? Et illi quidem in témpore paucórum diérum secúndum voluntátem suam erudiébant nos: hic autem ad id quod útile est in recipiéndó sanctificatióne ejus.

Allelúja, allelúja. **V.** Sancti tui, Dómine, florébunt sicut lílium, et sicut odor bálsami erunt ante te. Allelúja. **V. Ps. 115, 15** Pretiósá in conspéctu Dómini mors sanctórum ejus. Allelúja.

Extra tempus paschale:

Graduale

Ps. 78, 3-4 et 8

Effuderunt sánguinem eórum tamquam aquam in circúitu Jerúsalem: et non erat qui sepelíret: facti sumus oppróbrium vicínis nostris, subsannátio et illúsió his qui in circúitu nostro sunt. **V.** Ne memíneris iniquitátum nostrárum antiquárum, cito antícipent nos misericórdiæ tuæ.

Allelúja, allelúja. **V.** Nos autem pópulus tuus et oves páscuæ tuæ, confitébimur tibi in sáculum. Allelúja.

+ Seqúntia sancti Evangéllii secúndum Joánnem

Joann. 10, 23-30

In illo témpore: Ambulábat Jesus in templo, in pórticu Salomónis. Circumdedérunt ergo eum Judái, et dicébant ei: Quoúsque ánimam nostram tollis? Si tu es Christus, dic nobis palam. Respondit eis Jesus: Loquor vobis, et non créditis: ópera quæ ego fácio in nómine Patris mei, hæc testimónium pérhibent de me: sed vos non créditis, quia non estis ex óvibus meis. Oves meæ vocem meam áudiunt: et ego cognóscó eas, et sequúntur me: et ego vitam ætérnam do eis: et non períbunt in ætérnum, et non rápiet eas quisquam de manu mea. Pater meus quod dedit mihi, majus ómnibus est: et nemo potest rápere de manu Patris mei. Ego et Pater unum sumus.

Antiphona ad Offertorium

Baruch. 3, 5-6

Noli meminisse iniquitátum patrum nostrórum, sed meménto manus tuæ et nóminis tui in témpore isto: quia tu es Dóminus Deus noster, et laudábimus te, Dómine, allelúja.

Secreta

Exáudi voces, Dómine, beatórum Mártyrum tuórum sub altáre tuum clamántium: et oblatiónibus nostris placátus inténde. Per Dóminum.

Pro S. Monica

Secreta

Accépta tibi sit, Dómine, sacrátæ plebis oblátio pro tuórum honóre sanctórum: quorum se méritis de tribulatióne percepisse cognóscit auxiliú.

Pro Anglia

Secreta

Clementíssime Deus, cujus misericórdiæ non est númerus, immaculátæ hujus hóstiæ oblatiõe placátus, beáta María Vírgine cum Petro Apostolórum Príncipe intercedente, ita pópuli hujus mentem illúmina et corda succénde: ut in ea fide quæ caritátem operátur constans persevéret. Per Dóminum.

Antiphona ad Communionem

Sub altáre Dei audívi vocem occisórum dicéntium: Quare non deféndis sánguinem nostrum? Et accepérunt divínus respónsum: Adhuc sustinéte módicum témpus, donec impleátur númerus fratrum vestrórum, allelúja.

Postcommunio

Cælésti convívio refécti, quæsumus, Dómine Deus noster: ut, intercedéntibus beátis Martýribus tuis, ad eorúmdem consórtium perveníre mereámur. Per Dóminum.

Pro S. Monica

Postcommunio

Satiásti, Dómine, famíliam tuam munéribus sacris: ejus, quásumus, semper interventióne nos réfove, cujus sollémnia celebrámus.

Pro Anglia

Postcommunio

Deus, qui gentem nostram, beátæ Maríæ Vírginis dotem, antíqua erga Petrum Apóstolum fidelitáte clarificásti: hujus sacrificii virtúte; eam in ejúsdem beátæ Maríæ Vírginis afféctu, atque erga Apostólicam Sedem obediéntia confírma. Per Dóminum.

Die 12 Maji

BB. MARTYRUM CARTHUSIANORUM

III classis

Antiphona ad Introitum

Ps 144, 10-11

Sancti tui, Dómine, benedícent te: glóriam regni tui dicent, allelúja, allelúja. **Ps. ibid., 1** Exaltábo te, Deus meus rex: et benedícam nómini tuo in sáculum, et in sáculum sáculi. **V.** Glória Patri.

Oratio

Magníficet te, Dómine, beatórum Joánnis, et Sociórum Mártyrum sancta sollémnitas: qua et illis glóriam sempitérnam, et opem nobis ineffábili providéntia contulísti. Per Dóminum.

Et fit commemoratio Ss. Nerei, Achillei, Domitillæ atque Pancratii Martýrum.:

Oratio

Semper nos, Dómine, Mártyrum tuórum Nérei, Achílle, Domitillæ atque Pancrátii fóveat, quásumus, beáta solémnitas: et tuo dignos reddat obséquo. Per Dóminum.

Léctio Epístolæ beáti Petri Apóstoli

I Petr. 4, 13-19

Caríssimi: Communicántes Christi passiónibus gaudéte, ut et in revelatióne glóriæ ejus gaudeátis exsultántes. Si exprobrámini in nómine Christi, beáti éritis: quóniam quod est honóris, glóriæ, et virtútis Dei, et qui est ejus Spíritus, super vos requiéscit. Nemo autem vestrum patiátur ut homicída, aut fur, aut malédicus, aut alienórum appetítor. Si autem ut christiánus, non erubéscat: gloríficet autem Deum in isto nómine. Quóniam tempus est, ut incípiat judícium a domo Dei. Si autem primum a nobis: quis finis eórum, qui non credunt Dei Evangélio? Et si justus vix salvábitur, ímpius et peccátor ubi parébunt? Itaque et

hi, qui patiúntur secúndum voluntátem Dei, fidéli Creatóri comméndent ánimas suas in benefáctis.

Allelúja, allelúja. **V.** Sancti tui, Dómine, florébunt sicut lílium: et sicut odor bálsami erunt ante te. Allelúja. **V. Ps. 115, 15** Pretiósá in conspéctu Dómini, mors Sanctórum ejus. Allelúja.

+ Sequéntia sancti Evangéllii secúndum Mattháeum

Matth. 10, 34-42

In illo témpore: Dixit Jesus discíplis suis: Nolíte arbitrári, quia pacem vénerim mittere in terram: non veni pacem mittere, sed gládium. Veni enim separáre hóminem advérsus patrem suum, et fíliam advérsus matrem suam, et nurum advérsus socrum suam: et inimíci hóminis, doméstici ejus. Qui amat patrem, aut matrem plus quam me, non est me dignus: et qui amat fílium, aut fíliam super me, non est me dignus. Et qui non áccipit crucem suam, et séquitur me, non est me dignus. Qui invénit ánimam suam, perdet illam: et qui perdíderit ánimam suam propter me, invéniet eam. Qui récipit vos, me récipit: et qui me récipit, récipit eum, qui me misit. Qui récipit prophétam in nómine prophétæ, mercédem prophétæ accípiet: et qui récipit justum in nómine justí, mercédem justí accípiet. Et quicúmque potum déderit uni ex mínimis istis cálicem aquæ frígidae tantum in nómine discípluli: amen dico vobis, non perdet mercédem suam.

Antiphona ad Offertorium

Ps. 31, 11

Lætámini in Dómino, et exultáte, justí: et gloriámini, omnes recti corde, allelúja, allelúja.

Secreta

In tuórum, Dómine, pretiósá morte justórum sacrificium illud offérimus, de quo martýrium sumpsit omne princípium. Per Dóminum.

Pro Ss. Martyribus

Secreta

Sanctórum Mártyrum tuórum, quásumus, Dómine, Nérei, Achílleí, Domitíllæ atque Pancrátii sit tibi grata conféssio: quæ et múnera nostra comméndet, et tuam nobis indulgéntiam semper implóret. Per Dóminum.

Antiphona ad Communionem

Ps. 32, 1

Gaudéte, justí, in Dómino, allelúja: rectos decet collaudátio, allelúja.

Postcommunio

Sit nobis, Dómine, hoc tuum sacraméntum pignus beatitúdinis æternæ: quæ beatórum Mártyrum tuórum Joánnis et Sociórum méritis implorátur. Per Dóminum.

Pro Ss. Martyribus

Postcommunio

Quæsumus, Dómine: ut, beatórum Mártyrum tuórum Nérei, Achíllei, Domitíllæ atque Pancrátii deprecaciónibus, sacraménta sancta, quæ sumpsimus, ad tuæ nobis proficiant placatiónis augméntum. Per Dóminum.

Die 13 Maji

S. ERCONWALDI EP. ET CONF.

III classis

Missa Sacerdótes tui, de Comm. Conf. Pont. 2 loco, præter Orationes sequentes:

Oratio

Omnípotens sempitérne Deus, qui nos beáti Erconwáldi Confessóris tui atque Pontíficis hodiérna festivitáte lætíficas: tuam súpplices exorámus cleméntiam; ut, cujus sollémnia devótis officiis venerámur, ejus piis suffrágiis æternæ vitæ remédia consequámur. Per Dóminum.

Et fit commemoratio S. Roberti, Ep., Conf., et Eccl. Doct.:

Oratio

Deus, qui ad errórum insídias repelléndas et Apostólicæ Sedis jura propugnánda, beátum Robértum, Pontíficem tuum atque Doctórem, mira eruditióné et virtúte decorásti: ejus méritis et intercessióné concéde; ut nos in veritátis amóre crescámus et errántium corda ad Ecclésiæ tuæ rédeant unitátem. Per Dóminum.

Secreta

Propitiáre, quæsumus, Dómine, supplicatióibus nostris: et, intercedénte beáto Erconwáldo Confessóre tuo atque Pontífice, tuis sacraméntis cæléstibus serviétes ab omni culpa líberos esse concéde; ut, purificánte nos grátia tua, eisdem quibus famulámur mystériis emundémur. Per Dóminum.

Pro S. Roberti,

Secreta

Hóstias tibi, Dómine, in odórem suavitátis offérimus: et præsta; ut, beáti Robérti mónitis et exémplic edócti, per sémitam mandatórum tuórum dilatáto corde currámus. Per Dóminum.

Postcommunio

Præsta, quæsumus, Dómine Deus noster: ut, divínis mystériis expiáti; intercedénte beáto Erconwáldo Confessóre tuo atque Pontífice, ad supérni plenitúdinem sacraménti, cujus libávimus sancta, tendámus. Per Dóminum.

Pro S. Roberti,

Postcommunio

Sacraménta, quæ súmpsimus, Dómine Deus noster, in nobis fóveant caritátis ardórem: quo beátus Robértus veheménter accénsus, pro Ecclésia tua se júgiter impendébat. Per Dóminum.

Die 14 Maji

S. RICARDI REYNOLDS MARTYRIS

III classis

Antiphona ad Introitum

Ps. 63, 11

Lætábitur justus in Dómino, et sperábit in eo: et laudabúntur omnes recti corde, allelúja, allelúja. **Ps. ibid.** Exáudi, Deus, oratióem meam cum déprecor: a timóre inimíci éripe ánimam meam. **V.** Glória Patri.

Oratio

Deus, qui inter exímios Apostólicæ Sedis Mártyres beátum Ricárdum benigne collocásti: da nobis ejus exémplo et intercessióne; ut in fidéli ejúsdem Sanctæ Sedis obséquio peramánter vivámus et devotíssime moriámur. Per Dóminum.

Et fit commemoratio S. Bonifatii, Mart.:

Oratio

Da, quæsumus, omnípotens Deus: ut, qui beáti Bonifátii Mártyris tui solémnia cólimus, ejus apud te intercessiónibus adjuvémur. Per Dóminum.

Léctio Epístolæ beáti Petri Apóstoli

I Petr. 4, 13-19

Caríssimi: Communicántes Christi passióibus gaudéte, ut et in revelatióne glóriæ ejus gaudeátis exsultántes. Si exprobrámini in nómine Christi, beáti éritis: quóniam quod est honóris, glóriæ, et virtútis Dei, et qui est ejus Spíritus, super vos requiéscit. Nemo autem vestrum patiátur ut homicída, aut fur, aut malédicus, aut alienórum appetítor. Si autem ut cristiánus, non erubéscat: gloríficet autem Deum in isto nómine. Quóniam tempus est, ut incípiat judícium a domo Dei. Si autem primum a nobis: quis finis eórum, qui non credunt Dei Evangélio? Et si justus vix salvábitur, ímpius et peccátor ubi parébunt? Itaque et

hi, qui patiúntur secúndum voluntátem Dei, fidéli Creatóri comméndent ánimas suas in benefáctis.

Allelúja, allelúja. **V. Ps. 88, 6** Confitebúntur cæli mirabilia tua, Dómine; étenim veritátem tuam in ecclesia Sanctórum. Allelúja. **V. Ps. 20, 4** Posuísti, Dómine, super caput ejus corónam de lápide pretióso. Allelúja.

+ Sequéntia sancti Evangélii secúndum Joánnem

Joann. 12, 24-26

In illo témpore: Dixit Jesus discipulis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus.

Antiphona ad Offertorium

Ps. 20, 4-5

Posuísti, Dómine, in cápite ejus corónam de lápide pretióso: vitam pétiit a te, et tribuísti ei, allelúja.

Secreta

Accépta sit in conspéctu tuo, Dómine, nostra devótio: et ejus nobis fiat supplicatióne salutáris, pro cujus sollemnitate defértur. Per Dóminum.

Pro S. Bonifatio

Secreta

Muréribus nostris, quásumus, Dómine, precibúsq;e susceptis: et cælestibus nos munda mystériis, et cleménte exáudi. Per Dóminum.

Antiphona ad Communionem

Joann. 12, 26

Qui mihi minístrat, me sequátur: et ubi sum ego, illic et miníster meus erit, allelúja.

Postcommunio

Refécti participatióne múnere sacri, quásumus, Dómine Deus noster: ut, cujus exséquimur cultum, intercedénte beáto Ricárdo Mártire tuo, sentiámus efféctum. Per Dóminum.

Pro S. Bonifatio

Postcommunio

Refécti participatióne múnere sacri, quásumus, Dómine, Deus noster: ut, cujus exséquimur cultum, intercedénte beáto Bonifátio Mártire tuo, sentiámus efféctum. Per Dóminum.

Die 19 Maji
S. DUNSTANI EP. ET CONF.

III classis

Missa Sacerdotes tui, **de Comm. Conf. Pont. 2 loco, præter Orationes sequentes:**

Oratio

Deus, qui beátum Dunstánum Pontíficem tuum ad regna transtulísti cæléstia: da nobis per gloriósa ejus mérita ad gáudia transíre perénnia. Per Dóminum.

Et fit commemoratio S. Petri Cælestini Papæ et Conf.:

Oratio

Deus, qui beátum Petrum Cælestínum ad summi pontificátus ápicem sublimásti, quique illum humilitáti postpónere docuísti: concéde propítius; ut ejus exémplo cuncta mundi despícere, et ad promíssa humílibus práemia perveníre feliciter mereámur. Per Dóminum.

Deinde, commemoratio S. Pudentianæ, Virg.:

Oratio

Exáudi nos, Deus salutáris noster: ut, sicut de beátæ Pudentianæ Vírginis tuæ festivitáte gaudémus, ita piæ devotiónis erudiámur afféctu. Per Dóminum.

Secreta

Súscipe, quásumus, Dómine, múnera supplicántis famíliæ tuæ: quæ tibi in beáti Dunstáni Confessóris tui atque Pontíficis sollemnitáte deférimus, precántes; ut, ejus patrocínio venerádo adjúti, deféndi mereámur ab ómnium inimicórum insídiis. Per Dóminum.

Pro S. Petri Cælestini

Secreta

Oblátis munéribus, quásumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Pro S. Pudentianæ

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cogníscit auxiliúm. Per Dóminum

Postcommunio

Beáti Dunstáni Confessóris tui atque Pontíficis, quásumus, Dómine, precatióne nos ádjuva, in cujus veneratióne tua contígimus sacraménta. Per Dóminum.

Pro S. Petri Cælestini

Postcommunio

Refectiōne sancta enutrītam gubérna, quæsumus, Dómine, tuam placatus Ecclésiā: ut poténti moderatiōne dirécta, et increménta libertátis accípiat et in religiōnis integritáte persístat. Per Dóminum.

Pro S. Pudentianæ

Postcommunio

Satiásti, Dómine, famíliam tuam munéribus sacris: ejus, quæsumus, semper interventiōne nos réfove, cujus solémnia celebrámus. Per Dóminum.

Die 26 Maji

S. AUGUSTINI EP. ET CONF.

Anglorum Apostoli

II classis

In tota Anglia et Cambria

Antiphona ad Introitum

Ps. 131, 9-10

Sacerdótes tui, Dómine, índuant justítiam, et sancti tui exsúltent: propter David servum tuum, non avértas fáciem Christi tui. (T.P. Allelúja, allelúja.) Ps. *ibid.*, 1 Meménto, Dómine, David: et omnis mansuetúdinis ejus. V. Glória Patri.

Oratio

Deus, qui beátum Augustínū Pontíficem primum Doctórem pópulo concessísti Anglórum: tríbue nobis, quæsumus; ut, cujus mérita prædicámus in terris, ejus suffrágia sentiámus in cælis. Per Dóminum.

Et fit commemoratio S. Philippi Nerii Conf. tantum:

Oratio

Deus, qui beátum Philíppum Confessórem tuum Sanctórum tuórum glória sublimásti: concéde propítius; ut, cujus sollemnitate lætámur, ejus virtútum proficiámus exémplo. Per Dóminum.

Léctio Epístolæ beáti Pauli Apóstoli ad Hebræos

Hebr. 7, 23-27

Fratres: Plures facti sunt sacerdótes, idcirco quod morte prohiberéntur permanére: Jesus autem, eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat ut nobis esset pónitifex, sanctus, innocens, impollútus, segregátus a peccatóribus, et excélsior cælis factus: qui non habet necessitátem cotídie, quemádmódum

sacerdótes, prius pro suis delictis hóstias offérre, deínde pro pópuli: hoc enim fecit semel, seípsum offeréndo, Jesus Christus Dóminus noster.

Graduale

Ps. 131, 16-17

Sacerdótes ejus índuam salutári: et sancti ejus exsultatióne exsultábunt. V. Illuc prodúcam cornu David: parávi lucérnam Christo meo.

Allelúja, allelúja. V. Ps. 109, 4 Jurávit Dóminus, et non pœnitébit eum: Tu es sacérdos in ætérnum, secúndum órđinem Melchisedech. Allelúja.

Tempore autem Paschali omittitur Graduale, et ejus loco dicitur:

Allelúja, allelúja. V. Ps. 109, 4 Jurávit Dóminus, et non pœnitébit eum: Tu es sacérdos in ætérnum, secúndum órđinem Melchisedech. Allelúja. V. Eccli 45, 9 Amávit eum Dóminus, et ornávit eum: stolam glóriæ índuit eum. Allelúja.

+ Sequéntia sancti Evangélii secúndum Lucam

Luc. 10, 1-9

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta: et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiéscet super illum pax vestra: sin autem, ad vos revertétur. In eádem autem domo manéte, edéntes et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos qui in illa sunt, et dícite illis: Appropinquávit in vos regnum Dei.

Antiphona ad Offertorium

Ps. 88, 25

Véritas mea et misericórdia mea cum ipso: et in nómine meo exaltábitur cornu ejus. (T.P. Allelúja.)

Secreta

Grata tibi sint, quæsumus, Dómine, obláta múnera: quibus beáti Augustíni Confessóris tui atque Pontíficis mérita venerámur; et nostræ páriter recólimus insígnia libertátis et vitæ. Per Dóminum.

Pro S. Philippo

Secreta

Sacrificiis præséntibus, quæsumus, Dómine, inténde placátus: et præsta; ut illo nos igne Spíritus Sanctus inflámmet, quo beáti Philíppi cor mirabíliter penetrávit. Per Dóminum... in unitáte ejúsdem.

Antiphona ad Communionem

Matth. 24, 46-47

Beátus servus quem, cum vénerit dóminus, invénerit vigilántem: amen dico vobis, super ómnia bona sua constituet eum. (T.P. Allelúja.)

Postcommunio

Sancta tua, quásumus, Dómine, quæ pro beáti Augustíni Confessóris tui atque Pontíficis sollemnitáte libávimus, nos fóveant: quibus júgiter satiémur et semper desiderémus expléri. Per Dóminum.

Pro S. Philippo

Postcommunio

Cælestibus, Dómine, pasti delíciis: quásumus; ut beáti Philíppi Confessóris tui méritis et imitatióne semper éadem, per quæ veráciter vivimus, appetámus. Per Dóminum.

Die 28 Maji

B. MARGARITÆ POLE MART. NON VIRG.

III classis

Antiphona ad Introitum

Ps. 118, 46-47

Loquébar de testimoniis tuis in conspéctu regum, et non confundébar: et meditábar in mandátis tuis, quæ diléxi nimis. (T.P. Allelúja, allelúja.) Ps. *ibid.*, 1
Beáti immaculáti in via: qui ámbulant in lege Dómini. V. Glória Patri.

Oratio

Deus, qui beátæ Margarítæ vitam virtúte spectábilem martýrii coróná decorásti: ejus méritis et intercessióne concéde; ut, nullis detérriti adversitatibus, vitam nostram ac mortem tuo servítio dedicáre valeámus. Per Dóminum.

Léctio libri Sapiéntiæ.

Eccli. 51, 1-8 et 12

Confitébor tibi, Dómine rex, et collaudábo te Deum salvatórem meum. Confitébor nómini tuo: quóniam adjútor, et protéctor factus es mihi, et liberásti corpus meum a perditióne, a láqueo linguæ iníquæ, et a lábiis operántium mendácium, et in conspéctu astántium factus es mihi adjútor. Et liberásti me secúndum multitudínem misericórdiæ nóminis tui a rugiéntibus, præparásti ad escam, de mánibus quæréntium ánimam meam, et de portis tribulatiónum, quæ circumdedérunt me: a pressúra flammæ, quæ circúmdedit me, et in médio ignis non sum æstuáta: de altitúdine ventris ínferi, et a lingua coinquináta, et a verbo mendácii, a rege iníquo, et a lingua iniústa: laudábit usque ad mortem ánima

mea Dóminum: quóniam éruis sustinéntes te, et líberas eos de mánibus géntium, Dómine Deus noster.

Graduale

Ps 44, 8

Dilexísti justítiam, et odísti iniquitátem. **V.** Proptérea unxit te Deus, Deus tuus, óleo lætítiæ.

Allelúja, allelúja. **Ibid., 5** Spécie tua, et pulchritúdine tua inténde, prospere procéde, et regna. Allelúja.

Tempore autem Paschali omittitur Graduale, et ejus loco dicitur:

Allelúja, allelúja. **V. Ps. 44, 5** Spécie tua, et pulchritúdine tua inténde, prospere procéde, et regna. Allelúja. **V.** Propter veritátem, et mansuetúdinem, et justítiam: et dedúcet te mirábiliter délixtera tua. Allelúja.

+ Sequéntia sancti Evangélii secúndum Mattháeum

Matt 13:44-52

In illo témpore: Dixit Jesus discíplis suis parábolam hanc: Símile est regnum cælórum thesáuro abscóndito in agro: quem qui invénit homo, abscóndit, et præ gáudio illíus vadit, et vendit univérsa, quæ habet, et emit agrum illum. Iterum símile est regnum cælórum hómini negotiatóri, quærénti bonas margarítas. Invénta autem una pretiósa margaríta, ábiit, et véndidit ómnia, quæ hábuit, et emit eam. Iterum símile est regnum cælórum sagénæ, missæ in mare, et ex omni génere píscium cóngreganti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sáculi: exhibunt Angeli, et separábunt malos de médio justórum, et mittent eos in camínium ignis: ibi erit fletus et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patrifámiliæ, qui profert de thesáuro suo nova et vétera.

Antiphona ad Offertorium

Ps. 44, 3

Diffúsa est grátia in lábiis tuis, proptérea benedíxit te Deus in ætérnum, et in sáculum sáculi. **(T.P. Allelúja.)**

Secreta

Súscipe, Dómine, múnera, quæ in beátæ Margarítæ Mártiris tuæ sollemnitáte deférimus: cujus nos confídimus patrocínio liberári. Per Dóminum.

Antiphona ad Communionem

Ps 118:161-162

Príncipes persecúti sunt me gratis, et a verbis tuis formidávit cor meum: lætábor ego super elóquia tua, quasi qui invénit spólia multa. **(T.P. Allelúja.)**

Postcommunio

Auxiliéntur nobis, Dómine, sumpta mystéria: et, intercedénte beáta Margaríta Mártýre tua, sempitérna fáciant protectióne gaudére. Per Dóminum.

Die 30 Maji

S. ELEUTHERII PAPÆ ET MARTYRIS

III classis

Missa Si dígigis me, de **Communi unius Summi Pontificis**.

Oratio

Gregem tuum, Pastor ætérne, placátus inténde: et per beátum Eleuthérium Mártýrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Et fit commemoratio S. Felicis I Papæ et Martýris:

Oratio

Deus, qui Ecclésiám tuam in apostólicæ petræ soliditáte fundátam, ab inférnarum éruis terróre portárum: præsta, quásumus, ut intercedénte beáto Felíce Mártýre tuo atque Summo Pontífice, in tua veritáte persístens, contínua securitáte muniátur. Per Dóminum.

Secreta

Oblátis munéribus, quásumus, Dómine, Ecclésiám tuam benígnus illúmina: ut, et gregis tui profíciat ubíque succéssus, et grati fiant nómini tuo, te gubernánte, pastóres. Per Dóminum.

Pro S. Felice

Secreta

Múnera, quæ tibi, Dómine, lætántes offérimus, súscipe benígnus, et præsta: ut intercedénte beáto Felíce, Ecclésia tua et fidei integritáte lætétur, et témporum tranquillitáte semper exsúltet. Per Dóminum.

Postcommunio

Refectióne sancta enutrítam gubérna, quásumus, Dómine, tuam placátus Ecclésiám: ut poténti moderatióne dirécta, et increménta libertátis accípiat et in religiónis integritáte persístat. Per Dóminum.

Pro S. Felice

Postcommunio

Múltiplica, quásumus, Dómine, in Ecclésia tua spíritum grátia, quem dedísti: ut beáti Felícis Mártýris tui atque Summi Pontíficis deprecatióne nec pastóri obediéntia gregis nec gregi desit cura pastóris. Per Dóminum.

Die 9 Junii
IN TRANSLATIONE S. EDMUNDI EP. ET CONF.

III classis

Antiphona ad Introitum

Gaudeámus omnes in Dómino, diem festum celebrántes sub honóre beáti Edmúndi: de cujus sollemnitáte gaudent Angeli, et colláudant Fílium Dei. **Ps. 32, 1** Exsultáte, justi, in Dómino: rectos decet collaudátio. **V.** Glória Patri.

Oratio

Deus, qui nos concédis beáti Edmúndi Confessóris tui atque Pontíficis Translatiónem cólere: da nobis ejus méritis et précibus; ut a peccáti servitúte solúti, ad regni cæléstis gáudia transíre valeámus. Per Dóminum.

Et fit commemoratio Ss. Primi et Feliciani Martýrum.:

Oratio

Fac nos, quásumus, Dómine, sanctorum Mártyrum tuorum Primi et Feliciáni semper festa sectári: quorum suffrágiis protectiónis tuæ dona sentiámus. Per Dóminum.

Léctio libri Sapiéntiæ

Eccli. 50, 1, 4-11

Ecce sacérdos magnus, qui in vita sua suffúlsit domum, et in diébus suis corroborávit templum. Qui curávit gentem suam et liberávit eam a perditiónem. Qui præváluit amplificáre civitátem, qui adéptus est glóriam in conversatióne gentis, et ingressum domus et átrii amplificávit. Quasi stella matutína in médio nébulæ, et quasi luna plena in diébus suis lucet, et quasi sol refúlgens, sic ille effúlsit in templo Dei. Quasi arcus refúlgens inter nébulas glóriæ, et quasi flos rosárum in diébus vernis, et quasi lília quæ sunt in tránsitu aquæ, et quasi thus ardens in igne. Quasi vas auri sólídum ornátum omni lápide pretióso. Quasi olíva púllulans et cypréssus in altitúdinem se extóllens. In accipiéndó ipsum stolam glóriæ, et vestíri eum in consummatióne virtútis.

Graduale

Ps. 20, 4-5

Dómine, prævenísti eum in benedictiónibus dulcédinis: posuísti in cápite ejus corónam de lápide pretióso. **V.** Vitam pétiit a te, et tribuísti ei longitúdinem diérum in sáculum sáculi.

Allelúja, allelúja. **V.** Hic Edmúndus pauper et módicus cælum dives ingréditur, hymnis cæléstibus honorátur. Allelúja.

Tempore Pasch. loco Gradualis dicitur:

Allelúja, allelúja. **V. Ps. 109** Tu es sacérdos in ætérnum, secúndum órđinem Melchisedech. Allelúja. **V.** Hic est sacérdos, quem coronávit Dóminus. Allelúja.

+ Sequéntia sancti Evangéllii secúndum Matthæum

Matth. 25, 14-23

In illo témpore: Dixit Jesus discípulis suis parábolam hanc: Homo pégre proficíscens, vocávit servos suos, et trádedit illis bona sua. Et uni dedit quinque talénta, álii autem duo, álii vero unum, unicuíque secúndum própriam virtútem, et proféctus est statim. Abiit autem, qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniam dómini sui. Post multum vero témporis venit dóminus servórum illórum, et pósuit ratiónem cum eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidísti mihi, ecce, ália quinque superlucrátus sum. Ait illi dóminus ejus: Euge, serve bone et fidélis, quia super pauca fuísti fidélis, super multa te constítuam: intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidísti mihi, ecce, ália duo lucrátus sum. Ait illi dóminus ejus: Euge, serve bone et fidélis, quia super pauca fuísti fidélis, super multa te constítuam: intra in gáudium dómini tui.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu ejus.

Secreta

Hæc múnera, Dómine, in benedictióne sanctífica, et præsta; ut beáti Edmúndi Confessóris tui atque Pontíficis intercessióne, nobis salutária reddántur. Per Dóminum.

Pro Ss. Martyribus

Secreta

Fiat tibi, quæsumus, Dómine, hóstia sacránda placábilis, pretiósí celebritáte martýrii: quæ et peccáta nostra puríficet, et tuórum tibi vota concíliet famulórum. Per Dóminum.

Antiphona ad Communionem

Matth. 24, 46-47

Beátus servus quem, cum vénerit dóminus, invénerit vigilántem: amen dico vobis, super ómnia bona sua constítuet eum.

Postcommunio

Refécti, Dómine, córporis et sánguinis tui mystériis te súplices exorámus: ut, sicut beátum Edmúndum Confessórem tuum atque Pontíficem de hoc sáculo ad

cælestem glóriam transtulisti; ita nos ejus Translatiónem recolentes, ejúsdem glóriæ partícipes esse mereámur: Qui vivis.

Pro Ss. Martyribus

Postcommunio

Quásumus, omnipotens Deus: ut, sanctorum Mártyrum tuorum Primi et Feliciáni cælestibus mystériis celebráta solémnitas, indulgéntiam nobis tuæ propitiatiónis acquirat. Per Dóminum.

Die 22 Junii

S. ALBANI

Britanniæ Protomartyris

III classis

Antiphona ad Introitum

Ps. 20, 2-3

In virtúte tua, Dómine, lætábitur justus: et super salutáre tuum exsultábit vehementer: desidérium ánimæ ejus tribuísti ei. **Ps. ibid., 4** Quóniam prævenísti eum in benedictiónibus dulcédinis: posuísti in cápite ejus corónam de lápide pretióso. **V.** Glória Patri.

Oratio

Deus, qui hunc diem beáti Albáni martyrio consecrásti: tríbue, quásumus; ut, cujus ánnuo gratulámur officio, ejus contínuo foveámur auxílio. Per Dóminum.

Et fit commemoratio S. Paulini Ep. et Conf.:

Oratio

Deus, qui ómnia pro te in hoc sáculo relinquéntibus céntuplum in futúro et vitam ætérrnam promisísti: concéde propítius; ut, sancti Pontíficis Paulíni vestigiis inhæréntes, valeámus terréna despícere et sola cælestia desideráre. Qui vivis.

Léctio libri Sapiéntiæ

Sap. 10, 10-14

Justum dedúxit Dóminus per vias rectas, et osténdit illi regnum Dei, et dedit illi sciéntiam sanctorum: honestávit illum in labóribus, et complévit labóres illíus. In fraude circumveniéntium illum áffuit illi, et honestum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret quóniam ómnium poténtior est sapiéntia. Hæc vénditum justum non derelíquit, sed a peccatóribus liberávit eum; descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos qui eum deprimébant: et mendáces osténdit qui maculavérunt illum: et dedit illi claritátem ætérrnam Dóminus Deus noster.

Graduale

Ps. 111, 1-2

Beátus vir qui timet Dóminum: in mandátis ejus cupit nimis. V. Potens in terra erit semen ejus: generátio rectórum benedicétur.

Allelúja, allelúja. V. Ps. 20, 4 Posuísti, Dómine, super caput ejus corónam de lápide pretióso. Allelúja.

+ Sequéntia sancti Evangélii secúndum Mattæum

Matth. 16, 24-27

In illo témpore: Dixit Jesus discíplis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómīni, si mundum univérsum lucrétur, ánimæ vero suæ detriméntum patiátur? Aut quam dabit homo commutatióem pro ánima sua? Fílius enim hómīnis ventúrus est in glória Patris sui cum Angelis suis: et tunc reddet unicuíque secúndum ópera ejus.

Antiphona ad Offertorium

Ps. 8, 6-7

Glória et honóre coronásti eum: et constituísti eum super ópera mánuum tuárum, Dómine.

Secreta

Sicut in beáti Albáni Mártyris tui veneratióne te mirábilem prædicámus: sic apud cleméntiam tuam, Dómine, per hæc piæ placatiónis officia pro nobis, quæsumus, ipse pius intervéntor exsístat. Per Dóminum.

Pro S. Paulino

Secreta

Da nobis, Dómine, perféctæ caritátis sacrificium exémplo sancti Pontíficis Paulíni cum altáris oblatiõe coniúngere: et beneficétiæ stúdio sempitérnam misericórdiam promeréri. Per Dóminum.

Antiphona ad Communionem

Matth. 16, 24

Qui vult veníre post me, ábneget semetípsum, et tollat crucem suam, et sequátur me.

Postcommunio

Ut tua nos, Dómine, sacraménta purgent a crímīne, et in caritátis tuæ fervóre consérvent: sanctam majestátem tuam, quæsumus, beátus Martýr Albánus semper exóret. Per Dóminum.

Pro S. Paulino

Postcommunio

Tríbe nobis per hæc sancta, Dómine, illum pietátis et humilitátis afféctum quem ex hoc divíno fonte hausit sanctus Póntifex tuus Paulínus: et ipsíus intercessióne in omnes qui te deprecántur grátiae tuæ divítias benígnus effúnde. Per Dóminum.

Die 27 Junii

S. ETHELDREDÆ VIRGINIS

III classis

Missa Dilexísti, de Comm. Virg. 3 loco, præter Orationem sequentem:

Oratio

Deus, qui nos beátæ Etheldredæ Vírginis tuæ ánnua sollemnitáte lætíficas: concéde propítius; ut, cujus integritátis irradiámur exémpis, ejus méritis adjuvémur. Per Dóminum.

Secreta

Accépta tibi sit, Dómine, sacrátæ plebis oblátio pro tuórum honóre sanctórum: quorum se méritis de tribulatióne percepísse cognóscit auxiliúm. Per Dóminum.

Postcommunio

Satiásti, Dómine, famíliam tuam munéribus sacris: ejus, quæsumus, semper interventióne nos réfove, cujus sollémnia celebrámus. Per Dóminum.

Die 28 Junii

IN DEDICATIONE ECCLESIAE CATHEDRALIS

I classis

Missa Terríbilis, ut in Comm. Dedic. Eccl.

Die 9 Julii

SS. JOANNIS FISHER EP. ET THOMÆ MORE MARTYRUM

I classis

Antiphona ad Introitum

Ps. 33, 20-21

Multæ tribulatiónes justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. **Ps. ibid., 2** Benedícam Dóminum in omni témpore: semper laus ejus in ore meo. **V.** Glória Patri.

Oratio

Deus, qui beátos Mártyres tuos Joánnem et Thomam veræ fidei et Románæ Ecclesiæ principátus propugnátóres inter Anglos suscitásti: eórum méritis ac précibus concéde; ut ejúsdem fidei professióne unum omnes in Christo efficiámur et simus: Qui tecum.

Léctio libri Machabæórum

2 Mach. 6, 18-28

In diébus illis: Eleázarus, unus de primóribus scribárum, vir ætáte provéctus et vultu decórus, apérto ore hians compellebátur carnem porcínam manducáre. At ille gloriosíssimam mortem magis quam odíblem vitam compléctens, voluntárie præibat ad supplícium. Intuens autem quemádmódu[m] oportéret accédere, patiénter sústinens, destinávit non admíttere ilícita propter vitæ amórem. Hi autem qui astábant, iníqua miseratióne commóti, propter antíquam viri amicítiam, tolléntes eum secréto, rogábant afférri carnes quibus vesci ei licébat, ut simularétur manducásse, sicut rex imperáverat, de sacrificii cárnibus, ut hoc facto a morte liberarétur: et propter véterem viri amicítiam hanc in eo faciébant humanitátem. At ille cogitare cœpit ætátis [ac senectútis] suæ eminéntiam dignam, et ingénitæ nobilitátis canítiem, atque a púero óptimæ conversatiónis actus: et secúndum sanctæ et a Deo cónditæ legis constitúta, respóndit cito, dicens præmítte se velle in inférnum. Non enim ætáti nostræ dignum est, inquit, fíngere, ut multi adolescentium arbitrántes Eleázarus nonagínta annórum transísse ad vitam alienigenárum, et ipsi propter meam simulatiónem, et propter módicum corruptíbilis vitæ tempus decipiántur; et per hoc máculam et exsecratiónem meæ senectúti conquíram. Nam, etsi in præsénti témpore supplíciis hóminum erípiar, sed manum Omnipoténtis nec vivus nec defúctus effúgiam. Quam ob rem fórtiter vita excedéndo, senectúte quidem dignus apparebo, adolescentibus autem exéplum forte relínquam, si prompto ánimo ac fórtiter pro gravíssimis ac sanctíssimis légibus honésta morte perfúngar. His dictis, conféstim ad supplícium trahebátur.

Graduale

Ps. 33, 6, 16

Accédite ad eum et illuminámini: et fácies vestræ non confundéntur. V. Oculi Dómini super justos: et aures ejus in preces eórum.

Allelúja, allelúja. V. Joann. 17, 3 Hæc est vita ætérna, ut cognóscant te solum Deum verum, et quem misísti, Jesum Christum. Allelúja.

In Missis votivis T. P. omittitur Graduale et ejus loco dicitur:

Allelúja, allelúja. V. Joann. 17, 3 Hæc est vita ætérna, ut cognóscant te solum Deum verum, et quem misísti, Jesum Christum. Allelúja. V. Ps. 33, 6 Accédite ad eum et illuminámini: et fácies vestræ non confundéntur. Allelúja.

Post Septuagesimam, omissis Allelúja, et Versu sequenti, dicitur:

Tractus

Ps. 125, 5-6

Qui séminant in lácrimis, in exsultatióne metent. V. Eúntes ibant et flebant, mitténtes sémina sua. V. Veniéntes autem vénient cum exsultatióne, portántes manípulos suos.

+ Seqéntia sancti Evangélii secúndum Joánnem

Joann. 10, 23-30

In illo témpore: Ambulábat Jesus in templo in pórticu Salomónis. Circumdedérunt ergo eum Judái, et dicébant ei: Quoúsque ánimam nostram tollis? Si tu es Christus, dic nobis palam. Respondit eis Jesus: Loquor vobis, et non créditis. Opera quæ ego fácio in nómine Patris mei, hæc testimónium pérhibent de me. Sed vos non créditis, quia non estis de [ex] óvibus meis. Oves meæ vocem meam áudiunt et ego cognósco eas, et sequúntur me: et ego vitam ætérnam do eis, et non períbunt in ætérnum, et non rápiet eas quisquam de manu mea. Pater meus quod dedit mihi, majus ómnibus est: et nemo potest rápere de manu Patris mei. Ego et Pater unum sumus. Credo.

Antiphona ad Offertorium

Ps. 67, 36

Mirábilis Deus in Sanctis suis: Deus Israël, ipse dabit virtútem et fortitúdinem plebi suæ: benedíctus Deus.

Secreta

Oblatióibus nostris, quæsumus, Dómine, placátus inténde: et, Mártyrum tuórum interveniénte suffrágio, grátia tuæ nobis dona concéde. Per Dóminum.

Antiphona ad Communionem

Joann. 10, 27-28

Oves meæ vocem meam áudiunt, et ego cognósco eas, et sequúntur me: et ego vitam ætérnam do eis, et non períbunt in ætérnum.

Postcommunio

Cælésti convívio refécti, quæsumus, Dómine Deus noster: ut, intercedéntibus beátis Martýribus tuis Joáanne et Thoma, ad eórum consórtium perveníre mereámur. Per Dóminum.

MISSA VOTIVA DE S. JOANNE FISHER EP. ET MART.

Missa Státuit, de Communi unius Martýris 1 loco, cum orationibus ut infra:

Oratio

Deus, qui beáto Pontífici tuo Joánni pro veritate et justitia magno ánimo vitam profúndere tribuísti: da nobis ejus intercessióne et exémplo vitam nostram pro Christo in hoc mundo pérdere, ut eam in cælo invenire valeámus. Per eúndem Dóminum.

Secreta

Clementíssime Deus, múnera hæc tua benedictióne perfúnde, et nos in ea fide confírma quam beátus Joánnes Martíyr et Póntifex tuus effúso sáanguine proclamávit. Per Dóminum.

Postcommunio

Spíritum, Dómine, fortitúdinis hæc nobis tríbuat mensa cæléstis, quæ beáti Joánnis Mártiris tui atque Pontíficis vitam pro Ecclésiæ honóre júgiter áluit ad victóriam. Per Dóminum.

MISSA VOTIVA DE S. THOMA MARTYRE

Antiphona ad Introitum

Ps. 20, 2-3

In virtúte tua, Dómine, lætábitur justus: et super salutáre tuum exsultábit veheménter: desidérium ánimæ ejus tribuísti ei. **Ps. *ibid.*, 4** Quóniam prævenísti eum in benedictiónibus dulcédinis: posuísti in cápite ejus corónam de lápide pretióso. **V.** Glória Patri.

Oratio

Deus, qui beáto Thomæ Mártiri inter sáculi illécebras et cárceris mortisque dolóres hílari fortíque ánimo crucem tuam amplécti tribuísti: concéde, quæsumus, ejus intercessióne et exémplo; ut, pro fide et justitia alácritate decertántes, ad ætéerna gáudia læti pervenire mereámur. Qui vivis.

Léctio libri Machabæórum

2 Mach. 6, 18-28

In diébus illis: Eleázarus, unus de primóribus scribárum, vir ætáte provéctus et vultu decórus, apérto ore hians compellebátur carnem porcínam manducáre. At ille gloriosíssimam mortem magis quam odíbilem vitam compléctens, voluntárie præibat ad supplicium. Intuens autem quemádmódu oportéret accédere, patiénter sústinens, destinávit non admíttere ilícita propter vitæ amórem. Hi autem qui astábant, iníqua miseratióne commóti, propter antíquam viri amicítiam, tolléntes eum secréto, rogábant afférri carnes quibus vesci ei licébat, ut simularétur manducásse, sicut rex imperáverat, de sacrificii cárnibus, ut hoc

facto a morte liberarétur: et propter véterem viri amicítiam hanc in eo faciébant humanitátem. At ille cogitare cœpit ætátis [ac senectútis] suæ eminentiam dignam, et ingénitæ nobilitátis canítiem, atque a púero óptimæ conversatiónis actus: et secúndum sanctæ et a Deo cónditæ legis constitúta, respóndit cito, dicens præmítte se velle in inférnum. Non enim ætáti nostræ dignum est, inquit, fíngere, ut multi adolescéntium arbitrántes Eleázarum nonagínta annórum transísse ad vitam alienigenárum, et ipsi propter meam simulatiónem, et propter módicum corruptíbilis vitæ tempus decipiántur; et per hoc máculam et exsecratiónem meæ senectúti conquíram. Nam, etsi in præsentí témpore supplicíis hóminum erípiar, sed manum Omnipoténtis nec vivus nec defúctus effúgiam. Quam ob rem fórtiter vita excedéndo, senectúte quidem dignus apparébo, adolescéntibus autem exéplum forte relínquam, si prompto ánimo ac fórtiter pro gravíssimis ac sanctíssimis légibus honésta morte perfúngar. His dictis, conféstim ad supplicium trahebátur.

Graduale

Ps. 111, 1-2

Beátus vir qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur.

Allelúja, allelúja. **V. Ps. 20, 4** Posuísti, Dómine, super caput ejus corónam de lápide pretióso. Allelúja.

+ Sequéntia sancti Evangélii secúndum Mattáum

Matth. 10, 34-42

In illo témpore: Dixit Jesus discíplis suis: Nolíte arbitrári quia pacem vénerim mittere in terram: non veni pacem mittere, sed gládium. Veni enim separáre hóminem advérsus patrem suum, et fíliam advérsus matrem suam, et nurum advérsus socrum suam: et inimíci hóminis, doméstici ejus. Qui amat patrem aut matrem plus quam me, non est me dignus: et qui amat fílium aut fíliam super me, non est me dignus. Et qui non áccipit crucem suam et séquitur me, non est me dignus. Qui invénit ánimam suam, perdet illam: et qui perdíderit ánimam suam propter me, invéniet eam. Qui récipit vos, me récipit: et qui me récipit, récipit eum qui me misit. Qui récipit prophétam in nómine prophétæ, mercédem prophétæ accípiet: et qui récipit justum in nómine justi, mercédem justi accípiet. Et quicúmque potum déderit uni ex mínimis istis cálicem aquæ frígidæ tantum in nómine discípli: amen dico vobis, non perdet mercédem suam.

Antiphona ad Offertorium

Ps. 8, 6-7

Glória et honóre coronásti eum: et constituísti eum super ópera mánuum tuárum, Dómine.

Secreta

Hoc sacrificium redemptionis nostræ, quæsumus, omnipotens Deus, clementer respice: et, intercedente beato Thoma Martyre tuo, pro hac familia tua placatus assume. Per Dominum.

Antiphona ad Communionem

Matth. 16, 24

Qui vult venire post me, abneget semetipsum, et tollat crucem suam, et sequatur me.

Postcommunio

Sint tibi, omnipotens Deus, grata nostræ servitutis obsequia: ut hæc sancta quæ sumpsimus, intercedente beato Thoma Martyre tuo, nobis ad capessenda perpetis vitæ præmia proficere sentiamus. Per Dominum.

Die 8 Augusti

S. OSWALDI REGIS, MARTYRIS

III classis

Antiphona ad Introitum

Ps. 20, 2-3

In virtute tua, Domine, lætabitur justus: et super salutare tuum exultabit vehementer: desiderium animæ ejus tribuisti ei. **Ps. ibid., 4** Quoniam prævenisti eum in benedictionibus dulcedinis: posuisti in capite ejus coronam de lapide pretioso. **V.** Glória Patri.

Oratio

Omnipotens sempiternus Deus, qui hujus diæi jucundam sanctamque lætítiam in beati Oswaldi regis martyrio consecrasti: da cordibus nostris tuæ caritatis augmentum; ut, cujus gloriosum fidei certamen admirámur, constantiam ad mortem imitemur. Per Dominum.

Et fit commemoratio S. Joannis Mariæ Vianney Confessoris.:

Oratio

Omnipotens et misericors Deus, qui sanctum Joannem Mariam pastorali studio et jugi orationis ac penitentiæ ardore mirabilem effecisti: da, quæsumus; ut, ejus exemplo et intercessióne, animas fratrum lucrari Christo, et cum eis æternam glóriam consequi valeámus. Per eundem Dominum.

Deinde, commemoratio Ss. Cyriaci, Largi et Smaragdi Martýrum.:

Oratio

Deus, qui nos ánnua sanctórum Mártyrum tuórum Cyríaci, Largi et Smarágdi solemnitáte lætíficas: concéde propítius; ut, quorum natalícia cólimus, virtútem quoque passiónis imitémur. Per Dóminum.

Léctio libri Sapiéntiæ

Sap. 10, 10-14

Justum dedúxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret quóniam ómnium poténtior est sapiéntia. Hæc vénditum justum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos qui eum deprimébant: et mendáces osténdit qui maculavérunt illum: et dedit illi claritátem ætérrnam Dóminus Deus noster.

Graduale

Ps. 111, 1-2

Beátus vir qui timet Dóminum: in mandátis ejus cupit nimis. V. Potens in terra erit semen ejus: generátio rectórum benedicétur.

Allelúja, allelúja. V. Ps. 20, 4 Posuísti, Dómine, super caput ejus corónam de lápide pretióso. Allelúja.

+ Sequéntia sancti Evángelii secúndum Mattáum

Matth. 16, 24-27

In illo témpore: Dixit Jesus discíplis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómíni, si mundum univérsum lucrétur, ánimæ vero suæ detriméntum patiátur? Aut quam dabit homo commutatiónem pro ánima sua? Fílius enim hómínis ventúrus est in glória Patris sui cum Angelis suis: et tunc reddet unicuíque secúndum ópera ejus.

Antiphona ad Offertorium

Ps. 8, 6-7

Glória et honóre coronásti eum: et constituísti eum super ópera mánuum tuárum, Dómine.

Secreta

Munéribus nostris, quásumus, Dómine, precibúsqe suscéptis: et cæléstibus nos munda mystériis, et cleméner exáudi. Per Dóminum.

Pro S. Joannis

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus, et futúris. Per Dóminum.

Pro Ss. Martyribus

Secreta

Accépta sit in conspéctu tuo, Dómine, nostra devótió: et eórum nobis fiat supplicatióne salutáris, pro quorum solemnitáte defértur. Per Dóminum.

Antiphona ad Communionem

Matth. 16, 24

Qui vult veníre post me, ábneget semetípsum, et tollat crucem suam, et sequáatur me.

Postcommunio

Da, quásumus, Dómine Deus noster: ut, sicut tuórum commemoratióne Sanctórum temporáli gratulámur officio, ita perpétuo lætémur aspéctu. Per Dóminum.

Pro S. Joannis

Postcommunio

Refecti cibo potúque cælésti, Deus noster, te súplices exorámus: ut, in cujus hæc commemoratióne percépimus, ejus muniámur et précibus. Per Dóminum.

Pro Ss. Martyribus

Postcommunio

Refécti participatióne múneris sacri, quásumus, Dómine Deus noster: ut, cujus exséquimur cultum, intercedéntibus sanctis Martýribus tuis Cyriaco, Largo et Smarágdo, sentiámus efféctum. Per Dóminum.

Die 11 Augusti

S. GERMANI EPISCOPI ET CONFESSORIS

III classis

Missa Sacerdótes tui, de **Comm. Conf. Pont. 2 loco.**

Oratio

Exáudi, quásumus, Dómine, preces nostras, quas in beáti Germáni Confessóris tui atque Pontíficis sollemnitáte deférimus: et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

Et fit commemoratio Ss. Tiburtii et Susannæ Martyrum.:

Oratio

Sanctorum Martyrum tuorum Tiburtii et Susannæ nos, Dómine, fóveant continuáta præsidia: quia non desinis propítius intuéri quos talibus auxiliis concesseris adjuvári. Per Dóminum.

Secreta

Sancti Germáni Confessoris tui atque Pontíficis, quæsumus, Dómine, ánnua sollémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum.

Pro Ss. Martyribus

Secreta

Adesto, Dómine, précibus pópuli tui, adesto munéribus: ut, quæ sacris sunt obláta mystériis, tuorum tibi pláceant intercessióne Sanctorum. Per Dóminum.

Postcommunio

Deus, fidélium remunerátor animárum: præsta; ut beáti Germáni Confessoris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

Pro Ss. Martyribus

Postcommunio

Súmpsimus, Dómine, pignus redemptiόνis ætérnæ: quod sit nobis, quæsumus, interveniéntibus sanctis Martýribus tuis, vitæ præsentis auxiliúm páriter et futúræ. Per Dóminum.

Die 19 Septembris
S. THEODORI EPISCOPI ET CONFESSORIS

III classis

Missa Státuit, de Comm. Conf. Pont. 1 loco.

Oratio

Da, quæsumus, omnípotens Deus: ut beáti Theodóri Confessoris tui atque Pontíficis veneránda sollémnitas, et devotióne nobis áugeat, et salútem. Per Dóminum.

Et fit commemoratio Ss. Januarii et Sociorum Martýrum.:

Oratio

Deus, qui nos ánnua sanctorum Martyrum tuorum Januarii et Sociorum ejus solemnitáte lætíficas: concéde propítius; ut, quorum gaudémus mentis, accendámur exémplic. Per Dóminum.

Secreta

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Pro Ss. Martyribus

Secreta

Oblátis, quæsumus, Dómine, placáre munéribus: et, intercedéntibus sanctis Martýribus tuis Januáριο et Sóciis ejus, a cunctis nos defénde perículis. Per Dóminum.

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Theodóro Confessóre tuo atque Pontífice, benefícia potióra sumámus. Per Dóminum.

Pro Ss. Martyribus

Postcommunio

Hæc nos commúnio, Dómine, purget a crímine: et, intercedéntibus sanctis Martýribus tuis Januáριο et Sóciis ejus, cæléstis remédii fáciat esse consórtes. Per Dóminum.

Die 13 Octobris

S. EDUARDI REGIS, CONFESSORIS

II classis [in Civ. West. I classis]

Missa ut in Missali eadem die.

Die 22 Octobris

S. THOMÆ HEREFORDIENSIS EPISCOPI ET CONFESSORIS

III classis

Missa Sacerdótes tui, de Comm. Conf. Pont., præter Orationem sequentem:

Oratio

Deus, qui Ecclésiám tuam beáti Pontíficis Thomæ angélica puritáte et virtútum glória decorásti: concéde nobis fámulis tuis; ut, ejus suffragántibus méritis, Angelórum cum ipso mereámur agmínibus sociári. Per Dóminum.

Secreta

Sancti Thomæ Confessóris tui atque Pontíficis, quæsumus, Dómine, ánnua sollémnitas pietáti tuæ nos reddat accéptos: ut, per hæc piæ placatiónis offícia, et illum beáta retribútio comitétur, et nobis grátia tuæ dona concíliet. Per Dóminum.

Postcommunio

Deus, fidélium remunerátor animárum: præsta; ut beáti Thomæ Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

Die 29 Octobris

BB. MARTYRUM COLLEGII DUACENSIS

III classis

Antiphona ad Introitum

Ps. 78, 1

Deus, venérunt gentes in hereditátem tuam, polluérunť templum sanctum tuum: posuérunť Jerúsalem in pomórum custódiám. **Ps. *ibid.*, 2** Posuérunť morticína servórum tuórum escas volatílibus cæli: carnes sanctórum tuórum béstiis terræ. **V.** Glória Patri.

Oratio

Excita in nobis, Dómine, Spíritum cui beáti Mártyres tui Duacénses serviérunt: ut, eódem nos repléti, studeámus amáre quod amavérunt, et ópere exercére, quod docuérunt. Per Dóminum... in unitáte ejúsdem.

Léctio Epístolæ beáti Pauli Apóstoli ad Hebræos

Hebr. 12, 1-10

Fratres: Tantam habéntes impósitam nubem téstium, deponéntes omne pondus, et circúmstans nos peccátum, per patiéntiam currámus ad propósitum nobis certámen: aspiciéntes in auctórem fidei et consummatórem Jesum, qui propósito sibi gáudio sustínuit crucem, confusióne contémpta, atque in délixtera sedis Dei sedet. Recogítate enim eum qui talem sustínuit a peccatóribus advérsus semetípsum contradicciónem: ut ne fatigémini, ánimis vestris deficiéntes. Nondum enim usque ad sánguinem restitístis, advérsus peccátum repugnántes: et oblíti estis consolatiónis, quæ vobis tamquam fíliis lóquitur, dicens: Fili mi, noli negligere disciplínam Dómini, neque fatigéris dum ab eo argúeris. Quem enim díligit Dóminus, castígat: flagéllat autem omnem fílium quem récipit. In disciplína perseveráte. Tamquam fíliis vobis offert se Deus: quis enim fílius quem non córripit pater? Quod si extra disciplínam estis, cujus partícipes facti sunt omnes: ergo adúlteri et non fílii estis. Deínde patres quidem carnis nostræ eruditóres habúimus, et reverebámur eos: non multo magis obtemperábimus Patri spírituum, et vivémus? Et illi quidem in témpore paucórum díerum secúndum voluntátem suam erudiébant nos: hic autem ad id quod útile est in recipiéndó sanctificatiónem ejus.

Graduale

Ps. 78, 3-4 et 8

Effuderunt sánguinem eórum tamquam aquam in circúitu Jerúsalem: et non erat qui sepelíret: facti sumus oppróbrium vicínis nostris, subsannátio et illúso his qui in circúitu nostro sunt. **V.** Ne memíneris iniquitátum nostrárum antiquárum, cito antícipent nos misericórdiæ tuæ.

Allelúja, allelúja. **V.** Nos autem pópulus tuus et oves páscuæ tuæ, confitébimur tibi in sáculum. Allelúja.

+ Seqéntia sancti Evangélli secúndum Lucam

Luc. 12, 1-8

In illo témpore: Dixit Jesus discípulis suis: Atténdite a ferméto pharisæórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fáciant. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicumque conféssus fúerit me coram homínibus, et Fílius hóminis confitébitur illum coram Angelis Dei.

Antiphona ad Offertorium

Baruch. 3, 5-6

Noli meminisse iniquitátum patrum nostrórum, sed meménto manus tuæ et nóminis tui in témpore isto: quia tu es Dóminus Deus noster, et laudábimus te, Dómine.

Secreta

Exáudi voces, Dómine, beatórum Mártyrum sub altáre tuum clamántium: et oblatiónibus nostris placátus inténde. Per Dóminum.

Antiphona ad Communionem

Sub altáre Dei audívi vocem occisórum dicéntium: Quare non deféndis sánguinem nostrum? Et accepérunt divínus respónsum: Adhuc sustinéte módicum tempus, donec impleátur númerus fratrum vestrórum.

Postcommunio

Cælésti convívio refécti, quásumus, Dómine Deus noster: ut intercedéntibus beátis Martýribus tuis, ad eorúmdem consórtium perveníre mereámur. Per Dóminum.

Die 5 Novembris
SACRARUM RELIQUIARUM
quæ in Ecclesiis Archidioeceseos asservantur
III classis

Missa ut in Appendice Missalis pro aliquibus locis eadem die.

Die 16 Novembris
S. EDMUNDI EPISCOPI ET CONFESSORIS

III classis
Antiphona ad Introitum

Gaudeámus omnes in Dómino, diem festum celebrántes sub honóre beáti Edmúndi: de cujus sollemnitate gaudent Angeli, et colláudant Fílium Dei. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri.

Oratio

Deus, qui largífluæ bonitátis consílio Ecclésiám tuam beáti Edmúndi Confessóris tui atque Pontíficis præcláræ vitæ méritis decorásti, et gloriósis lætificásti miraculis: concéde propítius nobis fámulis tuis; ut et ipsíus in mélius reformémur extrémis, et ab ómnibus ejus patrocínio protegámur advérsis. Per Dóminum.

Et fit commemoratio S. Gertrudis Virginis.:

Oratio

Deus, qui in corde beátæ Gertrúdis Vírginis jucúndam tibi mansiónem præparásti: ipsíus méritis et intercessióne cordis nostri máculas cleménter abstérge, et ejúsdem tríbue gaudére consórtio. Per Dóminum.

Léctio libri Sapiéntiæ

Eccli. 50, 1, 4-11

Ecce sacérdos magnus, qui in vita sua suffúlsit domum, et in diébus suis corroborávit templum. Qui curávit gentem suam et liberávit eam a perditiónem. Qui præváluit amplificáre civitátem, qui adéptus est glóriam in conversatióne gentis, et ingressum domus et átrii amplificávit. Quasi stella matutína in médio nébulæ, et quasi luna plena in diébus suis lucet, et quasi sol refúlgens, sic ille effúlsit in templo Dei. Quasi arcus refúlgens inter nébulas glóriæ, et quasi flos rosárum in diébus vernis, et quasi lília quæ sunt in tránsitu aquæ, et quasi thus ardens in igne. Quasi vas auri sólídum ornátum omni lápide pretióso. Quasi olíva púllulans et cypréssus in altitúdinem se extóllens. In accipiéndum ipsum stolam glóriæ, et vestíri eum in consummationem virtútis.

Graduale

Ps. 20, 4-5

Dómine, prævenísti eum in benedictiónibus dulcédinis: posuísti in cápite ejus corónam de lápide pretióso. **V.** Vitam pétiit a te, et tribuísti ei longitúdinem diérum in sáculum sáculi.

Allelúja, allelúja. **V.** Hic Edmúndus pauper et módicus cælum dives ingréditur, hymnis cæléstibus honorátur. Allelúja.

+ Sequéntia sancti Evangélii secúndum Mattháeum

Matth. 25, 14-23

In illo témpore: Dixit Jesus discíplis suis parábolam hanc: Homo pégre proficíscens, vocávit servos suos, et trádedit illis bona sua. Et uni dedit quinque talénta, álii autem duo, álii vero unum, unicuítque secúndum própriam virtútem, et proféctus est statim. Abiit autem, qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniam dómini sui. Post multum vero témporis venit dóminus servórum illórum, et pósuit ratióem cum eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidísti mihi, ecce, ália quinque superlucrátus sum. Ait illi dóminus ejus: Euge, serve bone et fidélis, quia super pauca fuísti fidélis, super multa te constítuam: intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidísti mihi, ecce, ália duo lucrátus sum. Ait illi dóminus ejus: Euge, serve bone et fidélis, quia super pauca fuísti fidélis, super multa te constítuam: intra in gáudium dómini tui.

Antiphona ad Offertorium

Ps. 88, 25

Véritas mea, et misericórdia mea cum ipso: et in nómine meo exaltábitur cornu ejus.

Secreta

Beáti Edmúndi Confessóris tui atque Pontíficis, quásumus, Dómine, précibus múnera tibi offerénda compláceant, et obláta nobis proficiant ad salútem. Per Dóminum.

Pro S. Gertrude

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Antiphona ad Communionem

Matth. 24, 46-47

Beátus servus quem, cum vénerit dóminus, invénerit vigilántem: amen dico vobis, super ómnia bona sua constítuet eum.

Postcommunio

Mentes nostras, quæsumus, Dómine, suscéptis róborá sacraméntis: ut, sicut eas beáti Edmúndi Confessóris tui atque Pontíficis novis dignátus es confortáre miráculis, sic étiam iuváre suffrágiis, et illustráre dignéris exémpis. Per Dóminum.

Pro S. Gertrude

Postcommunio

Satiásti, Dómine, famíliam tuam munéribus sacris: ejus, quæsumus, semper interventióne nos réfove, cujus sollémnia celebrámus. Per Dóminum.

Die 17 Novembris

S. HUGONIS EPISCOPI ET CONFESSORIS

III classis

Missa Sacerdótes, de Comm. Conf. Pont. 2 loco, præter Orationes sequentes:

Oratio

Deus, qui beátum Hugónem, Confessórem tuum atque Pontíficem, eminéntia meritórum et claritáte signórum excellénter ornásti: concéde propítius; ut ejus exémpa nos próvocent, et virtútes illústrent. Per Dóminum.

Et fit commemoratio S. Gregorii Thaumaturgi Episcopi et Confessoris.:

Oratio

Da, quæsumus, omnípotens Deus: ut beáti Gregórii Confessóris tui atque Pontíficis veneránda solémnitas, et devotióne nobis áugeat et salútem. Per Dóminum.

Secreta

Obláta, quæsumus, Dómine, múnera beátus Hugo Conféssor tuus et Póntifex prosequátur: ut, méritis ejus adjúti, grátiam et glóriam consequámur. Per Dóminum.

Pro S. Gregorio

Secreta

Sancti tui, quæsumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

Postcommunio

Nostræ servitútis obséquia, quæsumus, Dómine, beátus Hugo Conféssor tuus et Póntifex tibi reddat accépta: ne sacraménti cæléstis efféctum reátus noster a nobis exclúdat. Per Dóminum.

Pro S. Gregorio

Postcommunio

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Gregório Confessóre tuo atque Pontífice, beneficia potióra sumámus. Per Dóminum.

Die 20 Novembris
S. EDMUNDI REGIS, MARTYRIS

III classis

Missa In virtúte tua, de **Comm. unius Mart. non Pont., præter Orationes sequentes:**

Oratio

Deus ineffábilis misericórdiæ, qui beatíssimo regi Edmúndo tribuísti inimícum pro tuo nómine moriéndo víncere: concéde propítius huic famíliæ tuæ; ut, eo interveniénte, mereátur in se antíqui hostis incitáménta superándo exstínguere. Per Dóminum.

Et fit commemoratio S. Felicis de Valois Confessoris.:

Oratio

Deus, qui beátum Felicem Confessórem tuum ex erémo ad munus rediméndi captívos cælitus vocáre dignátus es: præsta, quæsumus; ut, per grátiam tuam ex peccatórum nostrórum captivítate, ejus intercessióne, liberáti, ad cæléstem pátriam perducámur. Per Dóminum.

Secreta

Hoc sacrificíum redemptiónis nostræ, quæsumus, omnipotens Deus, cleménter réspice: et, intercedénte beáto Edmúndo Rege et Mártire tuo, pro hac familia tua placátus assume. Per Dóminum.

Pro S. Felicis

Secreta

Præsta nobis, quæsumus, omnipotens Deus: ut nostræ humiliáatis oblátio, et pro tuórum tibi grata sit honóre Sanctórum, et nos corpore páliter et mente puríficet. Per Dóminum.

Postcommunio

Sint tibi, omnipotens Deus, grata nostræ servitútis obséquia: ut hæc sancta quæ súmpsimus, intercedénte beáto Edmúndo Rege et Mártire tuo, prosint nobis ad capessénda præmia vitæ perpétuæ. Per Dóminum.

Pro S. Felicis

Postcommunio

Quæsumus, omnipotens Deus: ut, qui cælestia aliménta percépimus, intercedente beáto Felíce Confessore tuo, per hæc contra ómnia advérsa muniámur. Per Dóminum.

INDEX

A

- S. Ælphegi Ep. et Mart. **19 Aprilis. III classis.** pg 11
S. Æthelberti Regis, Conf. **25 vel 26 Februarii. III classis.** pg 8
S. Albani Mart. **22 Junii. III classis.** pg 29
S. Augustini Ep. et Conf. **26 Maji. II classis.** pg 22

C

- BB. Mart. Carthusianorum. **12 Maji III classis.** pg 16
S. Cuthberti Maine Mart. **29 Novembris. III classis.** pg 3

D

- S. David Ep. et Conf. **1 Martii. III classis.** pg 9
In Dedicacione Eccl. Cathedralis. **28 Junii. I classis.** pg 31
S. Dunstani Ep. et Conf. **19 Maji. III classis.** pg 21

E

- S. Edmundi Ep. et Conf. **16 Novembris. III classis.** pg 43
—— In Translatione. **9 Junii. III classis.** pg 27
S. Edmundi Regis, Mart. **20 Novembris. III classis.** pg 46
S. Eduardi Regis, Conf. **13 Octobris. II classis.** pg 40
S. Eleutherii Papæ et Mart. **30 Maji. III classis.** pg 26
S. Erconwaldi Ep. et Conf. **13 Maji. III classis.** pg 18
S. Etheldredæ Virg. **27 Junii. III classis.** pg 31

G

- S. Georgii Mart. **23 Aprilis. I classis.** pg 12
S. Germani Ep. et Conf. **11 Augusti. III classis.** pg 38
S. Gregorii Papæ, Conf. et Doct. **12 Martii. II classis.** pg 9

H

- S. Hugonis Ep. et Conf. **17 Novembris. III classis.** pg 45
Bb. Hugonis Faringdon, Ricardi Whiting ac Joannis Beche Abbatum
cum Sociis eorum MM. **1 Decembris. III classis.** pg 5

J

- Bb. Joannis Beche Abbatum ac Ricardi Whiting, Hugonis Faringdon
cum Sociis eorum MM. **1 Decembris. III classis.** pg 5
Ss. Joannis Fisher Ep. et Thomæ More Mart. **9 Julii. I classis.** pg 31

L

S. Laurentii Ep. et Conf. **3 Februarii. III classis.** pg 8

M

B. Margaritæ Pole Mart. non Virg. **28 Maji. III classis.** pg 24

Beatorum Mart. Ang. et Camb. **4 Maji. III classis.** pg 13

Bb. Martyrum Collegii Duacensis **28 Octobris. III classis.** pg 41

S. Melliti Ep. et Conf. **24 Aprilis. III classis.** pg 13

O

S. Osmundi Ep. et Conf. **4 Decembris. III classis.** pg 6

S. Oswaldi Regis, Mart. **8 Augusti. III classis.** pg 36

R

S. Ricardi Ep. et Conf. **3 Aprilis. III classis.** pg 10

S. Ricardi Reynolds Mart. **14 Maji III classis.** pg 19

Bb. Ricardi Whiting, Hugonis Faringdon ac Joannis Beche Abbatum
cum Sociis eorum MM. **1 Decembris. III classis.** pg 5

S

Sacrarum Reliquiarum. **5 Novembris. III classis** pg 43

S. Stephani Abbatis. **17 Aprilis. III classis.** pg 10

T

S. Theodori Ep. et Conf. **19 Septembris. III classis.** pg 39

S. Thomæ Cantuariensis Ep. et M. **29 Decembris. I classis** pg 7

S. Thomæ Hereford. Ep. et Conf. **22 Octobris. III classis.** pg 40

Ss. Thomæ More et Joannis Fisher Ep. Mart. **9 Julii. I classis.** pg 31